

中國方志叢書·華中地方·第七九一號

據

清·張興言等修，謝煌等纂
清同治十年刊本

影印

江 西 省

宜黃縣志

(四)

成文出版社有限公司印行

宜黃縣志卷二十九

名臣目錄

宋齊正倫 侯叔獻 戴經臣 鄒極 鄒餘

鄒永年 劉芑 吳榮 晁百談 徐圓老

明涂自強 黃清 吳餘慶 呂文質 陳用仁

廖鐸 黃鉦 譚綸 鄒子先 羅鶚

鄧佑 歐陽旻 鄒用章 鄧來鸞 李希哲

日方建志卷之十

宜黃縣志卷二十九

人物志 名臣

嘗怪樂子正寰宇記於撫州人物直注口無而後此紀
載家卽以樂氏爲人物稱首嗣是如晏如曾如王皆一
門濟美彬彬稱盛豈宋以前川嶽之精英蘊而不發歟
蓋經五季擾攘之餘文獻無徵矣稽吾邑舊志所載文
章經濟代有傳人其他或窮愁著書不祈聞達於當世
或立名砥行力求無愧於古人或天性肫摯而孝養不
衰或英風激烈而捐糜勿恤皆足以扶植綱常興起頑

懦令更蒐探百年以來事蹟卓有可紀者綜而錄之以

見前詰遺風尙有嗣音云

史志
小引

宋胥正倫諱品以字行祖元藻西蜀人唐末知南豐時邑屬崇仁悅仙二都山水類蜀因家焉公博學強記文章典雅善談論性剛介未嘗少屈登端拱二年進士任太平軍司理叅軍授武陽丞清化中郡民因饑剽掠太守不能制公獨撫諭移文鄰縣均濟咸平中任處州軍事推官州民章成豪橫不法結黨賴爲鄉里患公到任密偵其動止擒之按問得實杖殺於市籍其家免脅從者

自是豪猾屏息擢大理卿因不釋國戚侯紹之罪出爲

建州倅卒弟正平同榜仕至太常丞

王志名臣傳尤志同

侯叔獻字景仁崇賢鄉人少卓犖有大志臨事慷慨不可
沮奪弱冠遊上庠有文聲凡月書季攷一不在優列則
撤榻損膳激其志氣以自勵慶厯六年成進士調開封
府雍邱尉屢獲巨盜當遷秩公曰殺人求賞非所欲也
爲桐廬令邑中無賴犯法舊輒籍之公召與約曰富而
恃資強而恃力狡而恃能官而恃蔭以侵欺吾民者將
盡去之唯能改前非則當削其籍衆皆竦服郡有兄弟

爭財者久不決通守張伯玉以屬公株連四十餘人公
愀然變色誨以天倫之理皆感泣而去獄有大辟數人
當歲暮泣告曰有父母在願得一見死無恨公曰此天
理也與之期而遣之舉縣皆驚駭公獨怡然因果如期
而至督租則預揭於門某人某日當至及期來惟恐後
公爲政務以德化人而不至於撻罰有爭辯至庭先以
理開諭之不服然後刑之所至姦吏屏息豪民斂縮遷
秘書丞賜緋召見上知公政聲俾居條例司議法法成
爲淮南提舉又易兩浙將行建議以爲畿內之地可因

樊水淤漑以成良田上然之卽以提舉淤田司兼邵永
監丞公相地形度河勢引樊山之水以灌其地不五六
年成田四十萬頃上乃賜淤田十頃又請開白溝河儲
三十六陂及京索二水遷尙書工部員外郎除北河水
陸計度轉運繼除判都水監遷兵部員外郎公乃開白
溝刀馬自盟三河及廢朝宗閘闢大湖立新堤開直河
者二千餘里上憫其勞特詔獎諭曰古人所謂克勤於
邦盡力乎溝洫於卿無愧公初爲尉時與管界巡檢相
善約寇警卽相報一日有強盜經其邑公盡擒之法當

賞乃嘆曰勢急不能相報巡檢豈以我爲負約邪竟不受賞在泥縣時有李誠沒官田一段地大而腴估價一萬五千緡乃誠爲西務專知時以汴水溢損官物五千貫籍田以償賈魏公當國欲添爲二萬貫買之命陳道古諭意公嘆曰誠之無宰相國縱未能以此田給其子孫莫若損五千貫俾其家買之爲便道古大驚還報相國公乃召誠孫俾買其田孫以貧辭公又召見佃戶率錢借之其孫卒得田爲監丞時發汴堤淤田汴水暴至下流堤陷將毀人力不可制公相視其上數十里有

古城遂發汴堤注水入古城中下流遂涸急使人治堤
陷次日古城中盈汴流復行而堤陷已完矣徐塞古城
所決眾皆服其機敏後以勤感疾卒於揚州之光山寺
年五十四上聞之輟朝一日賻其家官其子王文公欲
銘其墓會都水淤田頃畝數未具不果時人惜之王志
傳尤志鄉賢○按通鑑綱目熙寧二年五月從三司條
例司之請公與劉彝謝卿材程顥盧秉王汝翼曾仇王
廣廉八人分行諸路相度農田水利賦稅科率徭役利
害舊志失考○按宋史地志無泥縣京東路濮州有范
縣泥范之說又宋李昌齡樂善錄載叔獻爲范縣令
復李田事極詳范亦范范說或卽京西孟州汜水縣歟
戴逵臣字成叔登皇祐元年第攻苦力學持身廉介不附

勢以媒進官至屯田員外郎

九志名臣傳

鄒極字適中邑西人自幼不羣長知書卽能文治平丙午
首鄉薦明年第進士司馬光韓維典選擢公丙科與太
史黃庭堅聯名初任吉州泰和簿遇事輒解無留難檄
攝郡篆又攝永新令戢姦鋤盜吏畏民懷再轉爲衡州
茶陵丞政績著聞時荆國王父公秉政召至闕謂其才
可試俾權審官主簿遣視河北堆場利害更法去弊皆
合意除開封府界提點司勾當公事修治常平免役法
以惠畿郡公計畫居多元豐二年入爲御史臺推直官

三年權發遣提舉江南東路常平事六年權荆湖南路
轉運判官時朝廷方舉鹽政公報議不合言者指爲不
奉法罷歸公不辯事久而明七年入爲尙書戶部度支
員外郎數見執政議事多齟齬慨然曰吾親老樂里居
其可久處省部邪於是力請補外除提點江南西路刑
獄潁濱先生知制誥爲之行詞時元祐初年也適廣東
妖賊岑操反圍新州經畧張昇卿遣童政郭昭昇討之
政等沿途殺人百姓訴冤朝廷使傳變體量變畏權勢
歸罪新州官吏又言官吏有守城功乞以功過相除變

亂事情如兒戲於是蘇軾王覲呂陶相繼論奏詔公於處州置院按罪以聞公不畏強禦不受囑託獄成上之童政伏誅郭昭昇決配沙門島未幾公丁外艱服除乞閒得管勾洪州玉隆觀秩未滿遂致仕時年四十九精力方壯挂冠勇退疏泉植果日與賓客放懷邱園不復以榮辱利害嬰其心紹聖元年召公爲戶部官將任以劇職公辭以親老不願仕上從之載在國史會要大觀元年卒贈朝奉大夫戶部侍郎蔡君厚誌其墓所著有宜川文集三十卷子四人永年永功實黨永年以父恩

補官餘子孫世守儒業不絕

主志名臣傳
尤志鄉賢

鄉餘字損道崇鄉人元豐五年進士再調通城令邑多豪
猾皆畏服不敢犯法嘗曰按簿書督期會可以集事未
可以治民遵法令平曲直可以治民未可以成俗成俗
之原在學校乃增廣縣庠名講堂曰資深黃山谷記之
知洛谷縣民徭雜處臨以豈弟不假鞭笞民心頓革桂
林宜陽有疑獄棘寺不能讞公一閱得其情滿去有德
之者置白金茶盃中追餽於路公笑謝受茶一觔初識
邢恕別後不通訊繼以恕薦召封上諭大臣曰近召見

者皆尋常惟鄒餘却惺惺遂除監察御史建中靖國元年服除還朝出爲淮西提舉再入除侍御史所陳十餘事其一則辨晰元祐黨人他皆切治體大臣不樂遂奉

祠歸卒年四十九

尤志鄉
真傳

鄒永年字天錫紹聖五年爲建昌南城縣尉時未析新城縣自義亭舖穿支徑四十里崖谷深邃林莽窈窕如行泉隧中不見人煙天日者十有五里姦人往往倚爲窟穴椎埋胙篋公聞其事曰清姦除盜吾之任也明年季秋遂相便利而新之易險以平易幽以明行人舒愉居

人宴休因名曰鄒公新路東巖先生傳權記其事後爲
松滋令山谷先生有詩篇往來載山谷文集仕至奉議
郎王志名臣
傳尤志同

劉芑字資中朝議大夫蒙弟也累舉進士以兄恩補太廟
齋郎主衡山簿遷延州錄叅辟廣西經幹黎人寇瓊州
府公周種一以兵事委公公率軍士斬首爲亂者曾安
化擊走宜州蠻寇羣蠻譚映反公往諭卽降王居桃亂
南海鋒銳甚公襲斬之遠人畏服以比諸葛武侯用是
遷官至朝請郎移知惠州會霖潦城不沒者兩版公分

載民物實水不及處國籍兵仗無一漂失事聞於朝賜
詔獎諭移通判桂州官至朝散大夫靖康建炎間闔門
干指時形空匱歿之日家無十金之儲

九志名臣傳

吳榮字茂卿邑東人乾道五年進士爲人廉介事親孝通
判南安軍屢攝郡有疑獄久不決卒平反之人稱神明
後叅議金陵制幕同列多爲進取計公獨曰非吾志也
謝病歸前後凡三爲令皆繁劇邑每語人曰爲政之道
平易近民而已歷仕四十年以更稱居鄉惻然無華
自號深簡老人官至奉直大夫子二人領鄉薦孫炎嘉